



C40
4514
(250)

C40-4514

了翁上座請天藏及有
家書置武州紫雲山
我微笑塔院庭府中永
為學者不敢許出院內
當山二世鐵十機謹誌



B 64853

蓮月禪師語錄序

時當春暮綠暗紅稀黃鳥間關午夢初醒忽見西方
古佛放光射我此間因歎破山老人深入天童之室
故其門下宗匠最多而蓮月禪師洵為得髓之子也
蓋今日佛道大盛知識如雲說法如雨行腳者不假
遠涉千山萬水保社叢林所在而有豈非幸事但其
中不無譎訛大須審細所以古德云打頭不遇作家
到底終成骨董此非具擇法眼其不為增上慢人者
幾希試觀蓮師語錄斬釘截鐵絕去廉纖所謂獅子
哮吼百獸腦裂狐狼野干盡皆倒退三千逼真天童



支那

蓮月禪師語錄序

雙桂家法自宜急登剗剗以廣流通則見聞隨喜者
將不憚千山萬水參請真正宗師不至瞎卻衆生眼
余故不揣無知而敬爲之序

康熙庚戌樵李約庵道人施博撰



蓮月禪師語錄目錄

卷第一第二

上堂

卷第二

上堂

小參

晚參

卷第四

拈古

頌古

機緣

卷第五

法語

行實

偈上

卷第六

偈下

書問

像讚

佛事

目錄終

蓮月禪師語錄卷第一

門 人 性 容 錄

住遵義府九青山東印禪寺

順治戊戌春師在夜郎山懷白堂受請進院三門云

門庭孤峻堂奧幽深且道從那裏入乃以拄杖三擊

云七通八達了也便進

佛殿云高揖釋迦不拜彌勒此是過量人行履即今

新長老禮拜阿誰喝一喝遂展具拜

方丈云生鐵柳標頭正尾正倒弄顛拈納僧乞命忽

遇其中人來時如何敲骨取髓必行之令

撰述
遺戶神前記卷一
衆護法請陞座師至座前拈疏云龜畫馬圖龍文鳳
彩一一全彰第一義諦若也見得不勞指注其或未
然卻請維那對衆剖露

指法座云師子王座師子哮吼驚起燈王騰身北斗
大衆見麼喝一喝遂陞拈香云此瓣香蓋天蓋地非
古非今專伸供養

本師釋迦牟尼佛西天東土歷代祖師伏願燈傳萬
億光照三千此瓣香瑞滿六合氣貫紫宸端爲祝延
今上皇帝聖躬萬歲萬歲萬歲伏願萬國長明舜
日八荒共戴堯天此瓣香根培雨露質傲雪霜奉爲

滿朝勲貴本郡尊官縉紳文學伏願才優治亂德並
伊周此瓣香久經祁寒溽暑常露本地風光奉爲本
山衆護法素懷善公伏願生生同植祗樹處處共扶
刹竿末拈香云此瓣香穿天下人鼻孔最初得之寶
愛囊藏末後撞着辣手七華八裂此是第一回拈出
供養前住浙江嘉興府東塔後住四川夔州府梁山
縣雙桂禪寺傳臨濟正脉第三十一世破山老和尚
用酬法乳之恩伏願指迷益劄劍度世室盈籌斂衣
跏坐維那白椎云法筵龍象衆當觀第一義師云機
前第一義觀面不相瞞歷歷明明處當陽須善觀衆

撰述
蓮戶禪師語錄卷一
三
中莫有善觀者麼請出來對衆酬唱僧問師子吼時如何師云嚇殺人進云露爪牙時如何師云大有人喪身失命在問昔日懷白今朝東印是同是別師云別進云如何是別處師云分身兩處看問如何是直捷一句師便喝僧舞坐具歸位師噓一聲問喝開兩眼時如何師云自看取進云青山淥水師云莫眼攀問二水交接龍在甚處師豎起拂子進云還有現爪處麼師云切莫蹉過乃云諸佛應現揭示頂門正眼列祖出興提持腦後鉗錘以心印心功不浪施驀拈拄杖劃一劃云從上宗旨皆在這裏建立若向這裏

見得徹去便見國王也在這裏平治天下大臣宰官也在這裏奠安社稷盡大地人也在這裏資治勞生聖也凡也僧也俗也胎卵溼化皆在這裏安身立命千差坐斷一道齊平正是衆生度盡恆沙佛諸佛何曾度一人如斯見解雖有衲僧巴鼻猶然未足觀光若約提綱宗乘舉唱佛法更須知有向上一路格外風規縱橫無礙卷舒自由正恁麼時不恁麼不恁麼時卻恁麼所以道我爲法王於法自在方今烽煙頓息花雨飄香山川氣靜萬物已寧且共祝昇平一句作麼生道一炷清香彌宇宙光天化日動和風

敘謝不錄

復舉同光帝問興化云朕治中原獲一至寶只是無人酬價化云請陛下寶看帝以兩手舒幙頭角化云君王之寶誰敢酬價師云同光帝久獲此寶當陽拈出幸遇明眼人善能別價可謂尊貴中尊貴奇特中奇特山僧今日更資一路要與古人相見喝一喝云至寶雖然酬價少五湖四海共承恩復喝一喝卓拄杖下座維那白椎云諦觀法王法法王法如是

開爐上堂師云爐韞弘開烈燄大發煅煉聖凡鉗錘惡辣衆中有生鐵鑄就渾鋼打成的請出相見僧問紅爐烈焰鐵牛哮吼時如何師云只須煅煉百千回

進云震破大地時這牛兒向甚處去師云東觸西觸問如何是東印境師云帶水屏峰進云如何是境中人師云銅頭鐵額進云人境不立時如何師打云莫作鬼家活計乃云巧匠良工伎倆殊大千沙界入紅爐鉗錘佛祖無窠臼陶鑄人天立楷模恁麼施設萬象森羅悉爲煤炭風火滿中熾然不息逼得嘉州大象踣跳陝府鐵牛哮吼鯨奴白牯放光動地若是特達之士當下知歸管取彈指收功刹那成聖何待長期短限晝三夜三徒勞動苦雖然如是事無一向猛火無情頑銅自利嚴鎚有力鈍鐵成鋼若要啐地折

曝地斷須將生死涅槃菩提煩惱世出世間奇言妙句惡知惡解一一銷鎔殆盡無位真人覲體現前豎拄杖云棒頭有眼明如日要識真金火裏看喝一喝卓拄杖下座

立春雲霓甘居士請上堂僧問如許供養阿誰解酬師云你作麼生僧喝師云只酬得一半僧豎拳師云猶欠在問除卻語言棒喝拈拳豎拂還有佛法麼師卻豎拂子云是什麼進云某甲不恁麼師云你又作麼生僧喝師云又是恁麼去也問孔仲尼云吾道一以貫之釋迦老子道惟此一事實是同是別師云同

則總同別則總別進云同別且置如何是一師豎拂子云者箇是一是二進云非一非二師云畢竟如何僧擬議師便喝問搥塗毒鼓聲震乾坤第一義在什麼處師云喪身失命也不知道進云青山蒼翠淥水渺茫是第幾義師云第二第三進云今日和尚如何爲人師便喝僧亦喝師云你這一喝落在什麼處進云在這裏師云這裏是什麼所在僧鼓掌師云且莫詐明頭乃云本來心地不屬迷悟現成佛法迥絕疎親只爲不薦迷已逐物遂被染淨二途聲色諸緣遮卻本有光明不得現前不見道欲取一乘勿惡六塵六

塵不惡還同正覺此是古人裂破舌頭明明道出正
要人在塵勞中得大解脫耳今日是我雲霓甘居士
侍九旬慈母母善人舉家入山請山僧舉揚上上一
機抑未免與伊曲引旁通去也昔龐居士一日忽云
難難難十石油麻樹上攤龐婆云易易易一下繩牀
腳踢地龐女靈照云也不難也不易百草頭上祖師
意師云說難說易是他各人出身處卽今春光遍野
百草向榮且道祖師意在什麼處豎拂云分明香在
梅華上莫向梅華更覓香擲拂子下座

誰解聽師云鶯奴白牯進云無情尚韻無生曲怎奈
當人不薦機師云你還薦麼僧喝師云汝亦未薦在
一僧出衆喝兩喝師亦喝進云學人無剩語一喝當
機去一喝酬信施師云依稀似曲纔堪聽又被風吹
別調中乃云說心說性耳裏着水行棒行喝眼裏撒
沙殊不知溪光山色鵲噪鴉鳴滿眼滿耳非色非聲
如是則塵塵爾刹爾火不待日而熱風不待月而
涼松直棘曲鵠白鳥玄鶴脰自長鳧脰自短觸體橫
干世界鼻孔摩觸家風豈不見米胡遣僧問仰山今
時人還假悟也無仰云悟卽不無爭奈落第二頭僧

撰述
蓮華師師錄卷一
回舉似米胡米胡溪肯之大衆悟既落第二如何是
第一頭現修羅相作女人拜得麼打箇圓相虛空裏
下一點得麼拈拳豎指下喝頓足得麼推倒禪牀拂
袖便行得麼到者裏直饒機前領旨格外明宗猶是
不啻嚼漢在雖狀如是不得春風華不開華開須藉
春風力喝一喝下座

破山和尚誕辰慧月禪人設供請上堂雪頰問佛祖
冤流瞎驢徧界蹋殺天下人時如何師云闍黎好仔
細進云哮吼時虛空出髓利害在什麼處師云頂門
着痛進云殃及兒孫師云卻被你道着乃云抽眼中

屑恩重丘山下腦後槌窅入骨髓大樹堂前距獰獅
之爪牙蒼龍城上鬪瞎驢之唇嘴一期毒害千古禍
胎今朝忽遇老凍膿現大人相四衆仰慕卻要自家
屋裏的人說自家屋裏的事山僧看來無量福德海
不可說無量智慧門不可說無量壽命聚不可說設
使以大海爲口須彌爲舌展轉說之終不能盡到此
計窮力極處亦不燒香亦不點茶畢竟作麼生慶讚
作麼生供養乃拈拄杖作舞復鼓掌呵呵大笑云男
兒自有衝天志不向他人行處行

大悲菩薩誕辰上堂體無向背一月普現一切水用

有卷舒一切水月一月攝白浪岬頭不守本分紅塵
堆裏惱亂群生溷俗和光婆心甚切應機接物魔境
轉多驚豎拄杖云看看觀音大士來也今在山僧拄
杖頭上出大梵音說道淨法界身本無出沒大悲願
力示現受生或現千手或現千眼或現國王宰官比
丘居士乃至佛身而爲說法大衆大士顯如是神變
作如是佛事如天普蓋似地普擎統三界以爲家作
四生之怙恃誠爲殊勝希有正眼看來祇是建化門
邊事若是萬緣寢息千聖不携坐斷報化佛頭向上
一竅有眼覷不到有耳聽不及正與麼時且道大士

又應現在什麼國土中卓拄杖一下云觀音妙智力
能救世間苦復舉僧問歸宗如何是觀音妙智力宗
敲鼎蓋三下云聞麼僧云聞宗云我何不聞僧無語
宗以棒趁下拈云者僧雖然道聞不是知音歸宗用
殺人刀活人劍大似勞而無功以棒趁下卽且置只
如一等是聲因甚有聞有不聞還委悉麼若將耳聽
終難會眼底聞聲方始知喝一喝

修敬郭道婆生日請上堂問進無門退則失鐵壁上
釘釘時如何師云着力釘穿問開口卽錯動念卽乖
如何是無生之旨師云速退僧云善哉善哉師云多

口作麼乃云乾坤既判後分西分東朕屯未萌時離
名離相名相既離便見赤條條地好不資一毫醜不
資一毫舊面目歷歷分明本來身原無生滅文殊問
菴提遮女生以何爲義女云生以不生生爲生義殊
云如何是生以不生生爲生義女云若能明知四大
未嘗自得有所和合而能隨其所宜是爲生義殊云
如何是死以不死死爲死義女云若能明知四大未
嘗自得有所離散而能隨其所宜是爲死義大衆一
隊老婆禪說許多道理及令人在義路上鑽龜打瓦
無有了期今日山僧不惜手腳以拄杖劃一劃云將

生生死死一時劃斷直教汝等當下解脫若猶未委
聽取一頌生死重關問答明祇將生死話無生葛拈
拄杖當頭截拂袖長安任縱橫拽拄杖下座便行
上堂僧問把定時威風凜凜逼人寒其中幾箇徹骨
去師云闍黎一箇作麼生進云放行時華雨紛紛露
廣長就裏阿誰共知音師云燈籠露柱進云把定放
行且置怎似學人手提智劍匡王化脚踢實地恁麼
行便歸位師云腳跟下好與三十問放下不提不起
請師決斷師云是箇什麼進云拈出時諸佛也須腦
裂師云不妨拈出僧喝師云只有這一喝乃云飲龍

潭集鳳池沒殺鼻孔吐月峰聚雲頂刺破眼睛若作
佛法商量頭上安頭不作佛法商量斬頭覓活總不
與麼如何是出身路良久云萬古碧潭空界月再三
撈攆始應知復舉慈明和尚室中置水一盆上劄一
口劍下着一緇草鞋膝上橫拄杖凡見僧入門便指
擬議便棒拈云慈明老賊放去較危收來太速若非
鐵眼銅睛鮮不當頭蹉過東印當時若入門時便噴
一聲他若再指踢倒便行恁麼出身免相鈍置還有
委得者麼格外知歸休擬議魔宮虎穴定權衡
紹南黃居士至因事請上堂問寶劍露鋒鋌時如何

師云血濺梵天進云魔王腦裂狐狸潛踪去也師云
不爲分外乃云辨魔揀異須是頂門具眼訶佛罵祖
還他腦後見腮若要全提正令佛來魔來總與三十
棒何故這裏放過卽不可復舉西天脇尊者與一外
道論議約其負者爲弟子外道曰誰當先語尊者曰
吾旣年邁又從遠來理應先語外道曰可爾恣汝所
說吾當盡破尊者曰當今天下太平國王長壽語已
卽默外道茫然不知所趨卽時墮伏度爲弟子拈云
尊者立論如生鐵鑄就崑崙山八面受敵不獨一箇
外道開口不得假使百千萬億外道只得飲氣吞聲

撰述
蓮華師請錄卷一
者箇外道雖然把髻投衙也是皮下有血的致令一撥便轉山僧恁麼告報還知他古人立地處麼師子林中無異獸象王行處絕狐踪喝一喝

上堂僧問石女無心行水面木人撫掌咏狂歌解把虛空顛拈倒弄是什麼消息師云神僊密訣父子不傳進云請師暗通一着師拈起拂子進云猶如錦上鋪華師云更須知有向上一路乃云盤山道向上一路千聖不傳慈明道向上一路千聖不然徑山道向上一路熱碗鳴聲我天童密雲師翁道向上一路踏破草鞵大眾一等是箇向上路因甚語意不同且作

麼生判斷乃云益州紙貴一狀領過

文平安居士設齋請上堂神頭鬼面突出難辨魔口佛心回看益淡直須兩眼雙明不被境緣轉換萬別千差當陽勘破方受得人天供養復舉維摩居士因須菩提持鉢因緣拈云須菩提大似飄墮羅刹鬼國不解逆風把舵維摩居士雖是滿盤托出爭奈尊者一時吞吐不及正是食到口邊被人奪卻東印若作須菩提但端坐合掌云善哉善哉是名真供養管教老大維摩直得默然山僧恁麼拈還識他利害處麼砒霜一飽渾閒事蠱毒之家水莫嘗

樂溫恆靖禪人請上堂恆靖上座請法而至有則因緣分明舉似昨夜文殊大士騎獅子峰奮迅勇猛蹕跳到須彌頂上哮吼一聲只得大千世界狐狼絕跡異類潛踪今日歸來又在巴山之南湘水之北三家村裏巍巍然距地只是不得動着動着則喪身失命乃震威喝一喝復舉古德因僧叅次便云太縊縷生僧云雖然如是要且是獅子兒古德云既是獅子兒因甚被文殊騎僧無對拈云古德就機一拶要見爪牙爭奈者僧不解哮吼若是獅子兒直下翻身去也衆中莫有爲他代得一語者麼時有僧喝一喝師云

也被文殊騎僧擬再進語師卻喝云獅子敲人韓獹逐塊

上堂僧問枯木逢春時如何師云紅的紅白的白進云大地風光如何理會師云日暖山容麗風高竹韻長乃豎起拄杖云頭頭獨露屋角幾枝梅葉吐物物全彰牆頭數樹杏華香時節至漫郎當鼻孔直須徹免教蝶夢長大家拾取這春光擲下拄杖復舉昔有僧看諸法從本來常自寂滅相不解致疑久之忽聞鶯鳴而悟遂聯云春到百華開黃鶯啼柳上拈云這僧一向死極不得活卻被樹頭鶯一聲喚醒便乃警

地雖然如是也是聲色門中活計若是佛法未夢見在何故玄沙道底

上堂僧問一切衆生本來具足因甚有當面不識者師云只爲分明極翻令所得遲問初祖直指明心見性何處入路師云腳下鬘鬘進云何不直指師云不曾曲問一口吞盡乾坤時如何師云還須吐卻僧喝師云未吐在進云水窮山盡向什麼處去師云坐看雲起時乃云默時說鳥語華香有密訣說時默水流風動通消息如是則知萬籟雖殊共演西來大意羣象不一全明向上玄機若是超宗異目的未舉先知

倘若情存限量落在見聞乃拈起拂子云見麼復敲香几云聞麼若見若聞是隨聲逐色漢不見不聞逃聲避色漢更若見而非見聞而非聞又是戲論相違漢恁麼也不得不恁麼也不得恁麼不恁麼總不得且作麼生得相應去復拈起拂子喝一喝云當陽透出是非外一任橫身宇宙間復舉馬祖因僧問離四句絕百非話拈云問既有宗答亦攸同雖是半明半暗畢竟泥裏有刺古今拈提者盡謂者僧受他惑殊不知他父子家風總被者僧勘破了也還見麼三人證龜成鼈

上堂僧問第一卽不問未開口時如何師云已落第二進云和尚道一半學人道一半師云坐斷舌頭乃云電光中垂手石火裏翻身雖是遠得便行未免平地喫交何況瞬目揚眉遲了七刻八刻思量擬議隔卻千山萬山所以道舉一不得舉二放過一着落在第二適纔未白槌未開口時早是第二了也卽未出方丈未陞座時亦是第二了也鐘未鳴鼓未響時亦是第二了也至若問來答去指東劃西總是草裏覘有甚了期敢問大衆旣都盧是第二畢竟如何是第一還有舉得者麼時有拍几者有下語者師乃拍膝

云罕逢穿耳客多遇刻舟人

上堂消息暗通尚挂唇齒靈機互換猶犯鋒鋦掀倒禪牀拂袖便行疾入膏肓山僧恁麼告報衆中忽有箇負血性的出來道老漢因甚一向壓良爲賤只對他道雪後始知松柏操事難方見丈夫心

上堂一二三四五今朝更莽鹵楊岐三腳驢踏殺玄沙虎若不顧危亡作麼生救取乃喝一喝云甜瓜徹蒂甜苦瓜連根苦雖然如是更有一事可疑古者道大道只在目前要且目前難覩欲識大道真體不離聲色言語山河大地草木叢林是色犬吠驢鳴水流

風動是聲作麼生是大道真體若謂聲色是指鹿爲馬若謂聲色不是掘地覓天正恁麼時如何轉身以拂擊禪牀云擊碎是非關迥然超佛祖

浴佛解制上堂指天指地撒沙撒土平地孤堆禍遺千古引得忤逆兒孫一棒打殺頻添冤苦今我此中聖制告圓箇箇向前當機轉語忽有箇抱不平的憤性出來推倒禪牀喝散大眾東印門下雖則未敢全然相許不妨大家應時及節足蹈手舞旣然一總吝慈正上座只得自行此令去也乃拽杖一齊打散復召大眾衆回首師云逢人切莫錯舉

住重慶府巴縣白巖山寶輪禪寺

順治庚子十月初一師在塗山覺林禪寺受請入院佛殿喝一喝云好一殿功德禮拜則見相發心不禮拜則當面蹉過且道禮拜是不禮拜是乃展具云是非都益卻自我整威儀便拜

方丈云立賓立主廓徹頂門正眼卽照卽用痛下腦後鉗錘且道佛來魔來如何揀辨喝一喝云金剛與泥神措背

總督李大護法文字牛公請於當寺開堂拈帖示衆云圓相一點白紙三張雖無言說文彩已彰會麼請

維那對衆重爲敷揚

指法座云這箇華王座原來諸法空是人行是令壁立顯真風遂陞拈香云此瓣香海嶽鍾其靈日月光其德恭爲祝嚴

今上皇帝聖躬萬歲萬歲萬歲伏願威聲大揚聞外千邦鎮靜德化遐被寰中萬里謳歌此瓣香應運應期爲祥爲瑞奉爲本郡在位尊官縉紳文學伏願吐哺握髮崇尚賢之典撥亂及治竭持世之才此瓣香不從外覓唯向內薰奉爲期主文字牛牛公舊住雲竹覺公現前衆居士伏願不昧本來心地不離自性

福田此瓣香荆棘叢中久秘干戈隊裏得來一露鋒鏃天下無敵此是第二回拈出供養萬竹山雙桂禪寺破山老和尚用酬法乳之恩伏願雨花飛處烽煙息棒喝轟時佛祖驚乃就座維那白槌云法筵龍象衆當觀第一義師云問得孤高答得淡如蟲禦木偶成文可中若具迢宗眼一語當機便出羣有麼有麼僧問王化大行時如何師云海宴河清進云佛法大興時如何師云風行草偃進云今日爐鞴大開無角鐵牛如何煨煉師云一鎚粉碎僧喝師云莫亂踣跳問如何是寶輪境師云江平回納水樹茂亂生雲進

撰述
蓮戶神師語錄卷一
一六
云如何是境中人師云出頭威拒佛覲面勢如王進
云人境不立時如何師打云痛領者一棒問世尊爲
一大事因緣故出現於世和尚今日以何爲人師云
山僧也恁麼進云某甲不恁麼師云你又作麼生進
云一朝權在手便把令來行師云你試行看僧喝師
打云莫道不恁麼好乃云無紋心印絕識絕情出匣
劒鋒離名離相水到渠成遇緣卽宗法隨法行法幢
隨處建立法幢旣立法令當行明大機顯大用敲出
鳳凰五色髓擊碎驪龍明月珠黃頭碧眼飲氣吞聲
臨濟德山望風斂衽至於拈拳豎指瞠眉努目種種

伎倆到這裏一點也用不着爲甚如此聖凡情量迥
超出獨脫無依威更尊復舉三聖道我逢人則不出
出則便爲人興化道我逢人則出出則不爲人拈云
二尊宿恁麼說話大似揚聲止響山僧雖是他家兒
孫出處卻不同說甚爲人不爲人只是相逢便棒何
故塵中雖有隱身術爭似全身入帝鄉

結冬上堂春巖問答日南泉斬猫是否師云是進云
和尚在甚麼處見得師云兩眼對兩眼進云快還性
命來師打一棒巖作猫聲出師笑云殺人刀活人劒
問這箇漢伸手摸着舉足踏着爲甚羅籠不着師云

盡闍黎伎倆不奈他何進云三際坐斷時何處安身
師云前不構邨後不抵店問五家宗旨是同是別師
云別進云諸佛本同如何有別師云惟有山僧一箇
不同乃云把斷要津不通凡聖放一線道遂分主賓
有問有答有照有用有權有實或行棒行喝壓拳轟
掌面壁鞦韆擊叉打鼓提持向上機權展演現成作
用怪石蒼松盡露未生前面目野雲荒塢全彰本地
上風光所以道達磨不來東土二祖不往西天人人
壁立萬仞箇箇常光現前雖然如是爲甚二世諸佛
不知有鷲奴白牯卻知有以拄杖打圓相云箇中莫

道全無事別起眉毛仔細看

金剛會衆居士請上堂僧問世尊拈華迦葉微笑笑
箇甚麼師云笑你鼻孔向下垂進云雖是當陽賣俏
爭奈傍觀者親師云一任檢點進云今日四衆瞻仰
和尚作麼顯示師云拄杖子爲伊竭力進云家醜不
可外揚師云好事不瞞人一居士問三賢膽顛十地
塊驚驚箇甚麼師云金剛手裏八稜棒進云在甚麼
處師便打乃云覲體拈來全無向背當頭點出迥絕
羅籠過量事須是過量人激發出格句還他出格人
提持所以道欲明恁麼事須是恁麼人若是恁麼人

換述
選集
方知恁麼事且恁麼事作麼生舉唱莫是卽心卽佛
是麼料掉沒交涉莫是非心非佛是麼料掉沒交涉
不是心不是佛不是物是麼料掉沒交涉入門便喝
是麼料掉沒交涉入門便棒是麼料掉沒交涉打箇
圓相作女人拜是麼料掉沒交涉推倒禪牀拂袖便
行是麼料掉沒交涉旣都盧沒交涉到此計窮力極
處畢竟如何得徹頭去驀豎拄杖召衆云透脫是非
與得失金剛王眼放光明復舉金牛行食次問龐居
士云生心受食淨名所訶去此二途居士還甘否士
云當時善現豈不作家牛云豈干他事士云食到口

邊被人奪卻牛便行食士云不消一句子師拈云電
卷風馳珠回玉轉彼此作家不妨奇特只如龐公道
不消一句子且道是那一句時有僧喝一喝師云你
恁麼道只恐龐居士不是恁麼莫有代龐居士端的
者麼如無聽取一頌兩箇老漢因齋慶讚雙放雙收
千古定案唳虎驟龍驟步步高不消一句從頭看看
看口吐明珠光燦爛喝一喝卓拄杖下座

佛成道日上堂靈光獨耀雪山明刺破臊胡老眼睛
重嘆奇哉把不住六年肝膽一時傾大衆昨夜釋迦
老子在雪山中出廣長舌相徧覆三千大千世界說

誠實言總要大地人放身捨命還知釋迦老子落處
麼顧視左右云一點明星光宇宙揭開腦蓋兩眉橫
歲旦上堂僧問元正啓祚天清地寧王化一統時如
何師云和風動地來進云衲僧境界華笑鳥啼決定
一致時如何師云兩重公案進云王道佛道日月交
輝去也師云照破汝肝膽問如何是新年頭一句端
的道將來師云黃道初開進云雪嶺梅梢綻溪邊桺
欲青師云只得七成進云門外三山笑座上一輪燈
師云重說偈言乃云當頭道一句大好是新年風軟
桺增娟雪淡梅更妍三臺吹木笛八表慶堯天乃橫

拄杖作吹勢云唱出陽春韻調高四海傳

上堂僧問老婆禪只是饒舌斬釘截鐵請師速道師
便喝一喝進云如來禪割肉劔瘡卻成禍殃請師別
道師云山僧從來不分外進云祖師禪敲骨取髓寃
沉海底請師更道師云一馬生三寅僧喝一喝師驀
頭一棒進云還有麼師云疑則別祭乃云今日雙溪
胡居士堅請山僧舉揚佛法若是佛法正不在頻頻
舉揚諸佛不出世四十九季說祖師不西來少林有
妙訣寶輪者裏孤邨流水峻壑閒雲諸佛說不到祖
師行不到且道還有佛法也無若言其有節外生枝

蓮月禪師語錄卷一終
若言其無抱賊叫屈不滯有無迥然獨露一句作麼
生道喝一喝云兩听金沙平湧出水天別是一乾坤
解冬上堂僧問選佛場解脫門一切人如何出不得
師云腳下無力進云腳下得力時如何師云東西無
滯礙南北得自由乃云大地山河盡起舞共歡佳節
臨三五豎拂子云然燈古佛放光明拂子頭邊急薦
取若薦取得便見結時非結解時非解華發水流徧
界光彩復以拂子打圓相云且箇中出身一句作麼
生道塗山雲共縉雲起巴字水隨濮水流

蓮月禪師語錄卷第二

門人發海錄

住順慶府南充縣鶴鳴山保壽禪寺

康熙甲辰四月初一師在凌雲山度達寺受請拈帖
示衆云靈山會上四十九年說不盡底都在裏許當
陽覷破總是現成公案若尙畱觀聽請重宣過
指法座云須彌燈王巍巍堂堂當陽勘破越格超方
還見麼以拄杖擊一下便陞拈香云此瓣香天地同
根萬物一體恭爲祝嚴

今上皇帝聖躬萬歲萬歲萬歲萬歲伏願耕雲鋤雨民

生遂社舞邨歌造化均此瓣香氣質長桑梓英華老
雪霜奉爲本府在位尊官縉紳文學伏願才邁臯夔
俗成鄒魯此瓣香非從海岬上來卽在本地所產奉
爲諸山耆舊闔郡護法居士奇學胡公伏願不忘利
己利人之願力常悟卽心卽佛之宗乘此瓣香露諸
佛眼睛展衲僧巴鼻得來艱險用時峻峭自從親遭
毒手一任顛拈倒弄此是第三回拈出供養萬竹山
雙桂禪寺破山老和尚用酬法乳之恩伏願祖風大
振西川濟北波騰浪涌遂斂衣跌坐維那白槌云法
筵龍象衆當觀第一義師豎拄杖云一回拈起處意

氣一回殊不顧危亾者當頭捋虎鬚還有不惜性命
的衲僧麼請出相見僧問行藏語默獨露全機重陞
猊座作麼拈提師云莫被人換卻眼睛進云大似家
賊自首其賊師云一場敗闕進云拗折拄杖截斷舌
頭作麼生抵對師云何不自道一句看僧便喝師便
打云賊首頭犯乃云世尊不說說弄巧成拙迦葉不
聞聞放憨賣俏馬祖卽心卽佛板齒生毛臨濟三玄
三要舌頭無骨趙州勘破婆子隨邪逐惡旣然如此
畢竟如何是爲人處卓拄杖云魚行水濁鳥飛毛落
入院至方丈云超宗異目的明牕下安排若是進前

退後向人討區分便與三十棒何故木上座性直貴
圖爾本懷

結夏上堂以拄杖打圓相云者箇圓覺伽藍從上老
古雖天下老和尚欲人尅期取證畫地爲牢保壽今
日雖是同循舊轍要且別立新條說甚護生白足直
須剔起眉毛一般意氣英銳更欲者回最豪昏散二
魔敵退始彌汗馬功高九旬行滿言薦三十烏藤賞
勞今與諸人重爲頌出圓覺伽藍無舊新安居箇箇
絕疎親通身手眼通身露豈待相將驗蠟人

浴佛上堂僧問未離兜率已降皇宮兩處機關請師

道破師云伸手原在縮手裏進云因甚未出母胎度
人已畢師云現成公案進云那老漢被學人覷破了
也師云你在甚處著眼進云知他法身徧刹塵師云
天地懸隔進云善哉善哉師云是何言歟乃舉世尊
初生因緣畢復云此則因緣判斷者多謂世尊莫大
伎倆卻被雲門折倒殊不知世尊將赤土畫簸箕雲
門跳在裏許至今出不得二俱是弄巧成拙雖然如
是敢問大衆畢竟世尊有何罪過而雲門要打殺且
道利害在什麼處若檢點得出便見他劈腹剜心橫
身爲物堪作佛祖兒孫堪報不報之恩若猶未委山

漢述
僧不惜手脚重重話會去也驀豎拄杖云穿過髑髏
血滴滴落華流水一谿紅

平陽陳居士請上堂一居士問杲日當空照見龐公
師云卽今龐公何在士喝一喝師云不是士云是甚
麼師云是伊指鹿爲馬乃云生鐵鑄成的志堅更不
移忽然漆桶快方是徹頭時如我平陽居士學道有
年自遠來山志在擬古山僧只得起模畫樣貴與古
人相見唐貞觀時龐居士初叅石頭頭以手掩其口
士有省後叅馬祖亦如前問祖云待汝一口吸盡西
江水卽向汝道士於此悟入拈云馬祖石頭觀體提

持龐居士橫身擔荷雖則妙契一時獨唱千古爭奈
猶喫許多力在山僧恁麼判斷意在於何豎拂子云
大地山河無彼此分明獨露本來身

蓮華庵宗風鴻公送新成衣至請上堂僧問鍼劄不
入時作麼生趣向師云我這裏七縱八橫進云還有
轉身處也無師云高高山頂立淡淡海底行進云誰
家沒者箇消息師云海神知有不知貴乃云教外別
傳不立文字山色谿光全彰大義從上乃佛乃祖直
要人體取衣線下一段大事且衣線下事作麼生體
取震撼喝一喝云識取摩尼無價珍當來受用無窮

極復舉僧問趙州萬法歸一一歸何處州云我在青州做一領布衫重七斤拈云趙州格外提持不落窠臼若非頂門具眼未免不錯認定盤星且道青州布衫與一歸何處有交涉無交涉若無交涉趙州古佛一問一答不可徒然若有交涉畢竟是箇什麼意衆皆下語師不契乃豎拂云鐵裏泥團綿包特石

初夏上堂欲識佛性義當觀時節因緣時節若至其理自彰卽今鶯嬌柳媚蠶嬾採桑水流華發農夫插秧會得原是天真受用不會未免業識茫茫復舉僧問雲門如何是諸佛出身處門云東山水上行又有

僧問圓悟如何是諸佛出身處悟云熏風自南來殿角生微涼師云二大老雖則不負來機要且只見錐頭利不見鑿頭方今日如有問保壽如何是諸佛出身處但向伊道徧界不曾藏

天中節上堂恆靖問杲日麗天如何是端陽境師云萬象森羅盡起舞進云入境俱寂蒲劒橫空未審利害在甚麼處師云徧地血淋淋乃云今朝五月五蒲劒當陽舞門上釘桃符堂中搗毒鼓不惟大家應箇時節且免得他閒神野鬼向百草頭撒沙拋土雖然如是事不獲已據令而行一句當機超佛越祖且道

是那一句橫按拄杖喝一喝云噫哩噫哩蘇嚕蘇嚕
刺史無欲熊居士至上堂舉陳操尚書到資福資福
見來便畫一圓相尚書云某恁麼來早是不著便更
畫圓相作麼資福便掩卻門拈云資福雖是赤心片
片大似無事生事致令尚書檢點今日熊護法到山
相訪山僧家風略與古人不同亦不畫圓相亦不掩
門不立一機不吐一詞方丈門八字打開且道還有
相見處也無動容揚古路不墮悄然機

上堂今朝偶然六月初一雲靜天高雨散風疾寒暑
迭遷如水奔逸品彙相催各不踰秩乃拈拄杖卓一
卓云惟有這箇木上座解還本質不屬陰陽穉性過
日有時橫肩有時橫膝狹路逢人著著論實只如卽
今與他唱酬如何委悉復卓拄杖喝一喝云萬仞峰
頭一聲霹靂

解夏上堂僧問鐘板停懸向何處行履師云秦地不
收漢地不管進云鐵牯牛過牕櫺頭角四蹄俱過因
甚尾巴過不得師云麤處易過細處難僧以坐具搭
肩便出師云切莫亂走乃云從前一期釘椿搖櫓逼
到今日解纜放船雖然如是順水張帆的也防遭點
額逆風把舵的方是弄潮人爲甚要如此巨浪慣經

巴峽險五湖四海任遨遊復舉洞山秋初夏末衆兄弟東去西去直須向萬里無寸草處去師云踏破草鞵石霜云出門便是草又有老宿云直得不出門亦是草漫漫地師云藤蛇繞足復云者一隊老漢爲人竭力雖然各有出身處要且路頭不別未免遞相鈍置只如有佛處不得住無佛處急忝過又向甚麼處棲泊若道得一語相應保壽拄杖子兩手分付脫或未然奮起不羣精進志還從者裏立乾坤

雙桂秉拂上堂僧問問話的是不問話的是師云問與不問都盧不是進云畢竟如何纔是師喝云不是不是僧連喝而退師云興化道底乃云師子窟中獅子兒爪牙自利象王林下象王種鼻孔尤長齧殺天下人踢殺天下人老凍儂出隊斫頰相望看他膀僧堂語云汝諸人凡有疑慮悟處總聽蓮月上座指揮不知諸人疑悟親切麼疑者別時商量悟卽對衆道來秉拂上座拄杖與伊相見如無且看古人道一喝不作一喝用畢竟作甚麼用喝一喝下座

荊州府龍山寺爲破山老和尚舉哀上堂云時代變遷法門隆替佛祖命脉存乎其人我師破山老和尚道行惡世機越箭鋒於兩軍相對處賣弄慈悲在百

戰不休場拈提搥拂不顧危公祇圖撥轉人心同見
太平世界胡爲一旦踢倒乾坤收攝威音那畔人天
感慕彌深大衆欲知我師行藏卻請同到真前燕一
片返魂香當於無相中現相無言處顯言從頭說出
常寂光中生死去來神通遊戲迴出常情一番境界
真前插香云望隆兩浙道重三巴和光溷俗玉石金
沙逢場作戲做笑面虎遇人中毒弄鼈鼻蛇能事既
畢返白牛車歸根雙桂瑞鍾靈芽抽枝發幹香徧天
涯道脉遞行愈盛愈遐無在不在面目無差以手搥
胸云猿向綠啼巫峽樹鶴從紅喚楚天霞

住荊州江陵柏子山青雲禪寺

康熙丁未三月初一師在龍山受請入院至三門云
佛語心爲宗無門爲法門旣然無門作麼生出入卓
拄杖云路頭在這裏便入

佛殿云新叢社新佛相新長老言句亦必要新的乃
展具云倒身不爲從仁義正眼直教露頂門遂拜

伽藍殿云法道隆替秉心護持拈香咄云與麼供養
威力弘施

方丈云學士解玉衲僧拔楔如何若何斬釘截鐵非
但此時令行摩竭且道這裏或遇船來陸來作麼施

設一棒一條痕一掌一握血

玉泉張山主諸山耆宿泊闔城居士請上堂拈香祝
聖畢僧問柏子堂開人天普集臨濟宗風請師舉唱
師震威喝一喝進云便恁麼承當去時如何師云腳
跟下猶有重關在問復古名刹開選佛場功勳若何
師云種豆不生麻進云及第歸時如何師云錦上鋪
華乃豎拂云法不孤起仗境方生復以拂打圓相云
正覺無名相隨緣卽道場從上佛祖皆在此箇道場
中各建門庭互陳作略拈華面壁舞芻輓毬提持不
一山僧今日亦不向外打之遶直捷行箇條令務要

諸人當下見箇落處只是不得承虛接響擲下拂子
喝一喝云千般伎倆皆春澤一喝如雷起蟄龍復舉
世尊因地布髮掩泥獻華於然燈佛然燈見布髮處
以手指云此一方地宜建一梵刹時賢于長者持標
插指處云建梵刹竟拈云然燈古佛心不負人路頭
不肯蹉過長者見機而作彈指收功遂成不朽道場
今日山主玉泉張大護法營此精藍請山僧於中舉
揚宗乘流通正法眼藏施設雖然不同道場要且無
別聽取一偈掀翻瓦礫布黃金今古人同這片心野
曠池平龍象集從教蹴蹋振叢林下座

浴佛岷源禪人圓戒上堂岷源問禪與律是一是二師云一有多種二無兩般岷喝師云今日釋迦老子降誕用喝作麼岷便拜師云且禮拜着僧問今日釋迦老子降誕和尚如何慶讚師云七棒對十三進云雲門大師猶在師云棒下無生忍臨機不見師乃云諸方今日浴佛蓋景仰二千餘年遺風貴圖家聲不墜自古迄今拈提甚多如藥山遵布衲浴佛次藥山云這箇從汝浴還浴得那箇麼遵云把將那箇來藥山休去後有同安禪師舉云此則公案人多向意識邊卜度謂這箇是銅鐵可以浴得那箇是法身全無

形段怎生浴得如此情解都道藥山是遵布衲靠倒不知二古人一出入未有羸輸三十年後不得錯舉後又有幻寄禪師舉云正如逢場作戲何高何低三十年後錯舉者便是幻寄師云而今不免一狀領過從頭頌出作者不爭語句長徒勞彼此漫商量今朝柏子舉仍錯洗出全身又放光恁麼見得無戒不持無行不備儻涉躊躇重重下箇註腳去也說戒畢復云持犯束身身且空不持不犯絕羅籠現成公案渾無事清淨本然與佛同下座

觀音大士開光玉泉張護法請上堂僧問大士相未

成時本自圓明既成之後光從何發師云頂門三千
腦後八百問四衆瞻仰大光明藏請師直下打開師
拈拂子劃一劃云看取這一道進云人人從此開正
眼去也師云且照顧汝一箇問驚苑拈華卽不問庭
前柏子意如何師云覲面相呈進云只是別更有
在師便喝僧亦喝師云我喝自有意你喝是甚麼意
進云龍吟霧起虎嘯風生師云莫錯註脚乃豎拄杖
云法身無相現形來瞻仰渠儂腦後腮八萬四千毛
孔裏光明無數一時開以拄杖擊禪牀云觀音大士
今在山僧拄杖頭上放光動地說普門示現法是汝

諸人還見也麼復以拄杖打圓相云六根清淨無遮
隔一道常光晝夜明下座

雙桂破山老和尚忌日拈香畢喝一喝云當年恩怨
兩無端立定家門不改觀一喝至今酬一喝對人拈
出更心酸

提督軍門胡大護法山主張玉泉闔郡居士請開爐
師拈疏云百千法門無量妙義盡在裏許未舉知歸
文不加點若猶擬議卻請維那對衆宣過

指法座云這箇獅子王座山僧在西川時幾回踢倒
今到荆南一旦扶起且道畢竟是何作用卓拄杖云

還憑木上座撥轉上頭關遂陞拈香云此瓣香寰中
獨貴海外同尊端爲祝嚴

今上皇帝聖躬萬歲萬歲萬歲伏願四海波平共
樂無爲化日六龍光盛同披何有仁風此瓣香應運
而有懷德以興奉爲滿朝文武諸道動貴本郡在位
尊官縉紳文學伏願五百餘年名世出千重間氣哲
才生此瓣香僊苑盤根祇林錯節奉爲請主提臺胡
護法山主張玉泉現前衆居士伏願靈山付囑無忘
末世金湯永固此瓣香毒蛇頭上探取猛虎口中奪
來無煙火氣無刀斧痕此是第四回拈出供養雙桂

堂上破山先師用酬法乳之恩伏願棒頭痛徹兒孫
骨桂子香清佛祖風乃斂衣趺坐維那白椎云法筵
龍象衆當觀第一義師云一等銅頭與鐵額紅爐煅
煉分標格衆中若有恁麼人普請出來試火色有麼
有麼一僧纔出師便打一棒僧云大機全彰卽不問
獨坐大雄峰時如何師云看取上頭註腳問爐鞴大
開煅凡成聖如何是凡師云我這裏聖也著不得進
云如何是聖師云何不領前話問人天聚會佛祖心
印請師提唱師便喝僧擬進語師便打僧云除卻棒
喝又作麼生師又打一棒云這箇是棒不是棒僧喝

師又打僧問向上宗乘如何拈提師喝云山僧一向
恁麼僧亦喝師云我也喝你也喝那箇的是僧云有
賓有主師云如何是賓如何是主僧又喝師亦喝乃
云爐鞴初開日鉗鎚意氣豪幸多頑鈍鐵總欲煉吹
毛所以長期短限畫地爲牢問來答去正打旁敲如
將軍戰三略六韜沙場決勝不讓絲毫雖然如是善
用心者不是徒勞火星迸出著眼須高乃拈拄杖作
撥火勢復擲下拄杖作怕勢云燎卻面門了也大衆
恁麼時節難遮掩無位真人何處逃復舉臨濟大師
上堂云赤肉團上有一無位真人常在汝等面門出

入未證據者看看拈云見煙是火見角是牛恁麼看
取更莫別求聽取一頌柏子開爐任自由當陽撥火
勢難收忽然燎卻面門也無位真人走出頭喝一喝
維那白槌云諦觀法王法法王法如是下座

明淵夏公濟之王公洪疇符公闔城衆居士請上堂
今朝初一陞座舉揚第一義諦迴然超出思惟擬議
豈可尚涉縑織又假語言文字於今事不獲已引則
古人因緣助發諸公高致齊峰和尚因龐居士相訪
士問曰此去峰頂有幾里峰云什麼處去來士云可
畏峻硬不得問著峰云是幾多士云一一三峰云四

五六士云何不道七峰云纔道七便有八士云得也
得也峰云一任添取士咄之而去峰亦隨後咄之拈
云這則公案問來答去雖然靈機互換怎奈隨邪逐
惡脚跟猶未點地柏子則不然如問峰頂幾里卽將
拄杖向伊面前一劃當時截斷路頭免得騰蛇繞足
遞相鈍置山僧恁麼批判還有爲他二古人出氣者
麼良久衆無出師咄云泊合停囚長智便下座

冬至上堂僧問柏子林中獅子吼萬山衆獸盡奔趨
今朝冬至方陞座還有驚人句也無師云尋常不敢
舉似人進云畢竟作麼生師云寒霜滿面十分威進

云裂破骨髓師云東殺闍黎進云秋去冬來飛白雪
萬法還歸一線中師云莫被一線縛僧喝師云一切
坐斷問杲日麗天如何是一陽來復師噓一聲進云
恁麼則萬象森羅盡鼓舞去也師云莫便是你分上
事麼僧舞坐具師便打乃云日遷月運四時轉逐風
勵霜嚴一陽來復天地從此位萬物從此育生生不
已中九九共六六乃拈拄杖作吹笛勢云大衆聞麼
韻出循環化母機非同鄒律吹寒谷復舉僧問古德
一陽來復日長一線未審佛法長多少德云長一線
又古德云一線長師云較長論短顛拈倒弄二古德

祇通得這一線佛法據柏子看來猶隔一線在大衆且道如何是他隔處若委悉得對衆拈出若也未能問取當年在先師處喫痛棒的法炬竹公頽木

阿彌陀佛誕日金陵衆居士至請上堂舉六祖大師示衆云汝等念佛求往西方我今移西方來東土汝等各願見否衆云若此土得見何須更往彼國祖云精進卽是釋迦平直卽是彌陀喜捨名爲勢至慈悲卽是觀音只因貪瞋癡無明煩惱八萬四千塵勞毒龍巨海遂有東西之隔師云大小祖師恁麼說話雖是直捷提持要見西方猶隔十萬八千不見道無邊

刹海自他不隔於毫端十世古今始終不離於當念與麼看來一目平等何東何西何淨何穢何彼何此何取何捨今日衆居士設齋慶讚且道阿彌陀佛還來現身說法也無豎起拂子喝一喝云不是窟中獅子吼豐干騎虎出松門下座

提督中軍懋西郭護法生日請上堂僧問麟閣動成瑤池果熟未審春秋幾何師云甲乙丙丁進云只道得一半師云徐試道看進云齊天花甲子一任數春秋師云還要老僧道過遂打一棒云戊己庚辛一居士問大護法懸弧之日特請和尚陞座如何慶讚師

云高逾山長逾水士云某甲不然師云你又作麼生
士云自入桃源後華開劫外春師云莫教滿地狼藉
乃云定閻外乾坤橫吞巨海荷寰中日月倒跨須彌
煙雲一掃萬里謳歌風恬浪靜大地平沉如是氣宇
如是威光歷古今而不變處寒暑而不遷現宰官身
弘佛祖教能行恁麼事須是恁麼人今日是我郭護
法初度之辰請山僧說無生法忍山僧於是入清淨
光明定中策起眉毛洞觀此護法摩尼寶藏裏本有
法財種種無盡行願無盡智慧無盡福德無盡壽命
無盡既都盧無盡且不落數量一句作麼生道喝一

喝云超越人間花甲子虛空恰好與齊年下座
承天寺僧綱司澄若公闔山耆宿德慧公請上堂師
云端人天模範立佛祖典型振龍象風規布國王恩
澤赤心片片紀綱叢林謙光導物扶豎宗乘行不犯
之令贊無爲之化正當恁麼時共祝皇猷一句作麼
生道一炷清香頻繞座光明佛日仰堯天

上堂昨日纔陞座今朝又上堂同中還有別幸得舌
頭長雖然如是惑亂人未有了期衆中若有不受惑
者拄杖子且教靠壁倚牆或猶未能朝打三千暮打
八百只教他奮迅哮吼一箇箇如獅子王喝一喝

本城諸山勤舊美之譚公伯樓熊公泊衆居士請上堂若論此事不落階級百萬人中單刀直入電卷風馳不暇顧揖鐵眼睛觀他不及有時深深海底行有時高高山頂立森羅萬象沒遮攔笑殺西江一口吸只如今朝日冷風寒水清露溼野色湖光煙雲掩襲豎拂云因甚文殊普賢又向拂子頭上一時共集擲拂云從教放去復收來二五分明是一十

上堂僧問如何是柏子境師云一任往來人共看進云如何是境中人師云自己也須著隻眼進云如何是奪人不奪境師云轉自己歸山河大地進云如何

是奪境不奪人師云轉山河大地歸自己進云如何是人境俱奪師云一塵不立進云如何是人境俱不奪師云萬彙齊彰進云把住的是放行的是師云臨機縱橫僧禮拜乃云心外無法清風明月法外無心煙水雲林大地山河皆爲諸佛鼻孔萬象森羅盡是衲僧眼睛信手拈來信口道出無處不顯本地風光無事不露向上機要昔有僧問趙州如何是西來大意州云庭前柏樹子僧云和尚莫將境示人州云我不將境示人僧云如何是西來大意州云庭前柏樹子拈云者僧如蛺蝶穿華只求深入不知身在華裏

趙州古佛平生肝膽被者僧一拶一時傾盡雖是爲
人心切只有者一著子且道當時趙州因甚不轉機
答話還委悉麼季布無一諾侯嬴重一言

佛成道日蓋臣翟居士請上堂僧問如何是世尊不
說說師云舌頭不出口進云如何是迦葉不聞聞師
云耳朶兩片皮進云意旨如何師云明明歷歷乃舉
世尊悟道因緣畢復云六年默坐冷如灰一點明星
豆爆來露出眼光天地別揚聲不覺嘆奇哉如是則
知釋迦老子悟道成佛皆是照徹者一點明星坐菩
提樹降伏魔軍皆是彰顯者一點明星四十九年轉

大法輪皆是露布者一點明星臨末梢頭拈華顧衆
皆是會歸者一點明星覲面當機破顏微笑皆是領
略者一點明星後代兒孫行棒行喝皆是提持者一
點明星現前大衆禮拜問答皆是舉揚者一點明星
今日翟公設齋慶讚皆是會悟者一點明星老僧恁
麼重重拈出皆是證據者一點明星今之古之歷歷
明明在汝諸人肩際眼底晝夜顯現以拄杖指云當
日風光今日是儼然同在雪山中

玉泉張山主請上堂撥轉天關還他特達英傑掀翻
地軸須是不羣丈夫夷平海嶽搖蕩乾坤收放日月

撰述
建戶齋師語錄卷二
馳驟風雲大人之根大人之器大人之機大人之作
如我玉泉山主一生豪俠富貴功名治亂興廢一一
看如幻夢偶向山間杖藜散步蹋著一片常住閒田
地遂建精舍於中去來石頭瓦礫壑著磕著淡知痛
痒欲於雙桂林下獅子羣中記別一箇與數名字山
僧只得打開寶藏將從上家私盡情拋出大家受用
乃拈拄杖連擊禪牀連喝數喝云若於這裏領略分
明便見得煩惱卽是菩提無明卽是佛性幻身卽是
佛身世壽卽是慧命貪瞋癡皆是戒定慧乃至八萬
四千塵勞皆是八萬四千功德如截瓊枝而寸寸是
分別金粟如來長者身

玉如析旃檀而片片皆香謂之清涼池謂之平等智
謂之根塵同源謂之縛脫無二謂之現成公案謂之
海印三昧謂之立地成佛尙多箇成字且不落諸緣
絕然出格一句作麼生道復卓拄杖云這邊那畔休
歲旦張山主雲萬子英聞遠芳聲令聞中允請上堂
僧問新年佛法和尙拈來說向誰師云陝府鐵牛進
云誰是得者師云嘉州大象進云也知徧界不曾藏
師云不曾藏的是甚麼僧便喝師云再喝看進云再
喝則禍生師打云從你生起乃云元正初一東皇司

今日暖風高乾坤安靜萬物咸新漁樵歌詠露柱燈籠踊躍多幸正與麼時拄杖出來鞠躬修敬高聲唱言恭賀本山護法方丈和尚大衆禪師佛法新年無偏無正選佛選官同時納慶喝一喝云山僧一喝拄杖子拱立座傍低聲復云今日話頭太煞孤硬山僧笑云年年得爾互相撐持抑且令我濟上兒孫赫奕威光彌遠彌盛喝一喝卓拄杖下座

解制上堂爲人竭力九旬把定重關導物應機今日放開一路眼底風雲千重百匝脚下煙水七縱八橫適當聖制告圓大護法胡公得得爲衆設解制齋卻將從前纏織知解恍惚識情以拂子劃云恁麼一刀截斷直令諸人全身放下無拘無束眼空四海氣吞諸方去也且出門慶賞一句作麼生道大笑一聲真痛快摘楊華又摘楊華

開爐闔城衆居士請上堂僧問爐鞴弘開未審握鉗鉗者誰師云大開金剛眼進云還假煅煉也無師打一棒云只是鉗鉗惡辣乃云大鞴紅爐中陶鑄隨才藝佛祖契鉗鉗人天資磨礪此是釋迦老子二千年前靈山聖制柏子今朝有條攀條無條攀例直教叢社免致冷落抑令古風相承不替以拄杖打圓相云

撰述
將者箇作爐子大有可成小有可就出鑛頑鈍都盧
置在裏許同增煅煉力勢煤炭雖多工夫欲細只要
做到沒下手處方與從上老古錐悄然默契恁麼領
略可謂格外明宗得意忘言言句無滯或再沉吟重
說一偈精金百煉愈生輝頑鐵一鎚偏自銳用到無
功卻現成秦時轆轤轉關棧復舉龐居士道十方同
聚會箇箇學無爲此是選佛場心空及第歸者箇居
士恁麼說話當體提持令人激切踊躍真古今榜樣
今日衆居士爲諸兄弟設結制齋亦是龐公習氣大
家在者裏脣毛厮結亦是箇箇學無爲亦可心空及

第歸須將聖解凡情一齊颺下如紅爐上一點雪相
似不畱朕迹如是看取何人不心空何人不及第柏
子恁麼舉恁麼拈還知他古人落處麼金屑眼中解
自抽丹霄獨步何拘繫下座

阿彌陀佛誕辰說戒上堂承天石波耆舊送松月觀
聞二禪人來此山中求受諸佛戒卽禰諸佛子從佛
口生從法化生卽與阿彌陀佛同一日生雖然如是
也要先知自己安身立命處然後知佛祖安身立命
處且道彼此安身立命畢竟在甚麼處豎拂子云千
峰勢到嶽邊止萬派聲歸海上消

撰述
遺戶神前語金卷二
燕臺唐公元體陳公衆居士請上堂品彙榮枯漫自
持就中剩有傲霜枝者般種艸雖同茂火裏蓮華分
外奇如我今日唐陳何諸公久歷風塵常在此事上
著腳管年寓湖南曾叅德山神鼎諸師今在荆南復
來同叅柏子老僧看來只是舊時人不改舊時行履
處不見龐居士訪則川和尚因緣真是幻人逢幻士
老僧逐句下箇註腳以酬諸公所請之意川云還記
得初見石頭時道理否師云將謂忘卻士云猶幸阿
師重舉在師云一回拈出一回新川云情知久叅事
慢師云不可以己方人士云阿師老耄不啻龐公師

云兩不是雙川云二彼同時又爭幾許師云單不成
隻士云龐公鮮健且勝阿師師云對面瞞預川云不
是勝我祇欠你一箇幞頭師云當頭蓋覆士云恰與
師相似師云著什麼死急川笑而已師云莫道無事
好師復云老僧恁麼批判也是相罵饒你接嘴相唾
饒你潑水只如道欠一箇幞頭因甚卻道相似聾豎
拂云頂門各具摩醯眼明暗抑揚互換高

臘月八日上堂昨夜雪山明星出現釋迦老子不覺
打失眼睛一時忍俊不禁自嘆曰奇哉奇哉一切衆
生皆有如來智慧德相但以妄想執著不能證得大

撰述
通入神前錄卷二
三
小世尊恁麼說話眼華不少殊不知撥塵見佛佛亦是塵豈有妄想智慧種種差別奈何有明心禪人欲於者箇時節效他威儀學他起倒只得將他舊日家風展演一上乃拈拄杖作此○云奇哉釋迦老子適纔在山僧拄杖頭上打箇翻筋斗把他親明星消息盡情說破了也是汝諸人還見麼若也見得是名成佛道是名報佛恩衆中還有知恩報恩者麼出來呈箇伎倆大家應箇時節如無老僧重重下箇註腳去也復以拄杖卓一卓云當陽指出獨露堂堂光輝溢目更不覆藏聽取一頌一點明星事大彰奇哉三嘆

貴承當從茲揭示頂門眼千古見孫照八荒

歲旦上堂八閩中軍王公偶至便問冬期卽不問當春事如何師云風高旌旆動拄杖頓生光進云臨濟賓主卽今作麼分師便喝一喝進云如何是賓中賓師云東魯西秦進云如何是賓中主師云西秦東魯進云如何是主中賓師云多喜少瞋進云如何是主中主師云訶佛罵祖王禮謝云作家作家師云莫謗山僧好問四衆瞻仰同慶春王如何是新年佛法師云皇風吹宇宙進云徧地是梅華師云刺破眼睛問化龍池古生金粟翔鳳山高產臘蓮解凍東風今日

撰述
至請師一句祝堯天師云爐烟乍起慶雲生進云覆
嶠無私民生有賴去也師云知恩須報恩乃云天得一
以清地得一以寧君王得一治國安民宰官得一
賢勞忠貞且道衲僧得一又作麼生雨點棒下雷震
喝聲爲甚如此艸阜湖村霑聖化同舒意氣慶昇平
復舉僧問鏡清新年頭還有佛法也無清云有僧云
如何是新年頭佛法清云元正啓祚萬物咸新僧云
謝師答話清云鏡清今日失利僧問明教新年頭還
有佛法也無教云無僧云年年是好年爲甚麼卻無
教云張公喫酒李公醉僧云老人大龍頭蛇尾教

云明教今日失利拈云一隊老古錘恁麼答話也是
借婆衫子拜婆年雖然禰好手卻令人在有無中分
析未免彼此失利如有問柏子新年頭還有佛法也
無但向他道佛法有無且置焚香同祝天子萬年直
令他全身奉重不暇且道與古人相去多少還會麼
今日須行今日事此心正在此時傾喝一喝下座
解制上堂一向心言路絕水冷雲寒忽然天地春回
日暖風高從時節上看來應知結制從自心結解制
從自心解當此事未明之先覲面如銀山或壁畫三
夜三不容一毫忤作謂之結制一朝或腦門觸碎

撰述
鼻孔胸中凝膺之物瓦解氷消謂之解制今日張山
主爲諸兄弟設解制齋衆中若有自解者擺手出荆
門若猶擬議木上座爲衆竭力去也乃豎拄杖云有
擡有擡擲下云有放有收復拈起卓一卓云水流華
發乾坤大七縱八橫任自由

渚宮江陵事

佛弟子張名顯張名俊張名偉張名譽張名實
捐貲同刻第一第二卷

康熙九年四月八日

玉泉道人張國賢識

蓮月禪師語錄卷第二

蓮月禪師語錄卷第三

門人明鐸錄

住江陵福昌山龍興禪寺

康熙己酉春師在柏子受請拈疏示衆云此是江陵
邑侯唐護法縉紳靜庵高護法幻幻居士黃護法先
從文字中早露出世尊不說說迦葉不聞聞拈華微
笑之旨若不承言不滯句卻請維那宣過

陞座拈香祝聖畢乃云柏子初住持福昌請結夏彼
間與此間何取復何捨不隔一毫端豈拘兩保社誰
同動止機勅點飛龍馬且出格家風作麼生互展隨

身箇羨藜東打又西打下座
人院三門云這箇門庭風雲會聚會龍象會奔騰時
代雖久標格猶存山僧今日重開關不惟光前啓後
且貴諸人得入以拄杖畫一畫云千聖同歸一路行
佛殿木佛不度火金佛不度爐泥佛不度水卽今禮
那箇佛以坐具搥一搥云無爲真佛實在我身
伽藍殿似婉似狠露頭露面佛法流通威力顯現插
香云今朝供養別無多鼻孔中燒香一片
祖師殿先聖後聖提挈綱宗千古萬古景仰真風喝
一喝云當年面目分明在烜赫威光宇宙中

方丈卓拄杖云據如是室行如是令任他伎倆千般
都盧痛與一頓莫道老僧太煞孤峻

指法座云須彌燈王如來已爲諸人現身說法了也
還見麼行藏雖已露著眼更須高遂陞拈香云此瓣
香天生奇種品類莫齊恭爲祝嚴

今上皇帝萬歲萬歲萬萬歲伏願草木禽魚共樂高
天化日閭閻樵牧同歌甘雨和風此瓣香根在山林
之溪材中廊廟之選奉爲滿朝勳貴本郡尊官縉紳
文學伏願鹽梅鼎鼐和美重詩禮桑麻勸俗淳此瓣
香染淨不二廢興不磨奉爲現前居士東巖宗公伏

願祖燈仍遞燄佛日更高懸此瓣香始從地頭撥草
瞻風東覷捕西覷捕一朝勘破兩手分付得來久矣
收在破布袋中欲隱彌露此是第五回拈出供養雙
桂堂上破山先師用酬法乳之恩伏願萬竹出林枝
枝堅高節徧地發榦葉葉引清風乃斂衣趺坐維那
白椎云法筵龍象衆當觀第一義師云舉揚宗旨振
叢林佛祖風規貫古今今日樅椎重一擊還從鬧市
覓知音衆中莫有知音者麼請出相見僧問古福昌
與今福昌鼻孔是同是別師震威一喝進云古今一
家風也師又喝一喝進云今日賓主歷然分師云龍

蛇易辨衲子難瞞進云謝師答話師云切莫承虛接
響僧問祖刹重興時如何師云祇要兒孫箇箇超羣
出類進云一任獅子兒哮吼去也師云也要爪牙備
始得僧禮拜師乃拈起拄杖云五葉開敷風雨晦明
不變喝一喝云一音演唱山林城市同聞聲響游揚
通微塵刹以無間芳華掩映歷百千年而轉新今日
本郡縉紳衆護法請山僧於此久弛叢社力振古風
且祖令重行一句作麼生道乃橫按拄杖喝一喝云
大地山河皆起舞石頭瓦礫盡生光復舉本山第一
代善禪師上堂云盡乾坤大地微塵諸佛總在福昌

者裏以拄杖畫一畫云說佛說法拈云善老當年施設門庭高大固是作家檢點將來大似倚牆靠壁退己讓人今日不然若有諸佛到來各與三十棒只教寒毛卓豎列在一邊立地聽法豈有開口分臨濟德山也應結舌凸鋒自餘盡是望風斂衽且道新福昌別有什麼長處良久云莫道從前多意氣他家曾蹋上頭關拍禪牀下座

提督本省軍門李大護法護國守緣和尚同入山請上堂僧問李文和遇石門一超直入張無盡叅兜率末後威光福昌今日旌旆臨筵未審和尚如何拈提

師云截斷兩頭超今越古進云一句迴然開祖胃雲龍風虎定乾坤師云兵隨印轉將逐符行進云森羅萬象成稽首露柱燈籠共證盟師云也要頂門上具眼乃云播揚佛祖宗乘應逢作者標顯人天榜樣須待其人擔荷還憑有力進趨卻速成功如大英雄安邦定國奮發勇猛禍亂立平威震一時名蓋天下今此福昌舊院自唐時高平王延惟善禪師高豎法幢詢信義端三師繼席四海趨風千餘年後世異事殊漸成寥落豈知境界更新原有因緣時節印正乍來住此行淺福薄豈可再振前賢大觀幸提臺李護法

撰述
通尸前門言金卷三
指揮三楚帷幄荆南燕臺慈雲守緣和尚同時行道
斯郡大家共出隻手定祖席重開之局起古人未墜
之風且主賓互換彼此爲人眼目畢竟在什麼處乃
豎拂子云寰中天子勅元貴閫外將軍令更嚴喝一
喝下座

佛誕結制君之姚公發仁樊公闔郡居士請上堂僧
問如何是福昌境師云東隣酒帘西舍傘架進云如
何是境中人師云逢佛訶佛遇祖罵祖進云人境已
蒙師指示應時及節事如何師拈起棒云雲門大師
來也進云龍得水時添意氣虎逢山勢長威靈師打

云新月有圓夜人心無滿時乃云葡萄行嫋蔓楊柳
拂新枝瓢笠水雲客護生禁足時今乃浴佛之日衆
居士爲大眾設結制齋大家在福昌這裏與釋迦老
子眉毛厮結行住坐臥一動一靜不離這裏若向這
裏著隻眼便見世尊當年也在這裏示現受生在這
裏周行七步在這裏指天指地在這裏稱惟吾獨尊
後雲門大師一棒打殺也是在這裏貴圖天下太平
正是古德道護生須是殺殺盡始安居大眾且道護
生的是殺生的是若殺的是不應言禁足安居若護
的是不應言殺盡始安居若定當得一任七縱八橫

全身超物外若定當不得直饒蠟人六月如冰大似
眼裏著一點塵福昌如此告報且道是什麼心行以
拄杖畫此○云若箇金剛圈最小蠟人跳出始爲奇
說戒上堂奮志軌身棄俗兒君王父母必先辭戒爲
根本勿輕易立定諸人成佛基是恁麼人聞恁麼說
發恁麼心受恁麼戒請出衆來時諸子向前作禮胡
跪合掌師撫尺云是事如是持便下座

上堂舉福昌重善禪師因僧問如何是正法眼善云
夜觀乾象僧云意旨如何善云日裏看山師云正法
眼無處不照燭只因爲物所遮未免對境麻眯善老
重重點出便見七通八達頌曰夜觀乾象日觀山一
段光明天地間剔起眉毛常獨露廓然照徹透重關
五日上堂今朝五月五景物隨風土競渡走槐龍跨
門騎艾虎絲桐騷客吟村社小兒舞堪笑衲僧家就
機打口鼓且道說甚麼普

上堂當時重善禪師住此福昌破楹數間殘僧數輩
晨香夕燈至於說法如臨千衆闡化多年名喧宇宙
古今仰慕正上座住他者箇保社家風宛然不異惟
說法不能似他老婆心切但飯來與衆同喫飯茶來
與衆同喫茶乃至行住坐臥悉同起倒不曾與人說

極述
通戶補師請鈔卷三
簡甚麼且道有爲人處無爲人處乃以手擱口云彼
自無瘡勿傷之也

解夏上堂圓覺爲伽藍青山不曾買於中坐與行行
坐自端楷無禪道可參無識情可擺從前原未結今
日何須解結解兩無庸通身任瀟灑且道恁麼人畢
竟向甚麼處行履四海五湖中高聲唱款乃

住江陵鶴穴廣嗣禪院

康熙八年八月十五日師在福昌受請入院至三門
云此門高廣龍象總收或入或出誰能不由爲甚如
此以拄杖畫一畫云惟有這些子不可蹉過

佛殿云把定時佛眼覷不見放開時且貴大家知乃
敷坐具云將此身心奉塵刹是則名爲報佛恩

據室手親眼親頓空四大誰爲座船來陸來總與一
時生按過卓拄杖云朝打三千暮打八百一下下都
盧不錯

正菴沈護法請開堂拈帖示衆云諸佛宗乘祖師心
印盡從箇裏流出衆護法文章錦繡亦從箇裏拈來
言中有響句裏呈機人天衆前豈可囊藏被蓋卻請
維那對衆宣讀

拈法座云大而無外高而無尚百千法門一音演唱

禪述
通尸補師詩卷三
喝一喝遂陞拈香云此一瓣香追唐虞而修德越聲
色以化民端爲祝嚴

今上皇帝聖躬萬歲萬歲萬萬歲伏願鼓腹謳歌擊
壤之風再見垂衣端拱如天之頌重聞此瓣香煙霞
充其性文物發其光奉爲滿朝勲貴本郡尊官縉紳
沈護法伏願化行俗美郊關靖雨足風清社稷安此
瓣香飽霜飽雪非木非煙此是第六回拈出供養雙
桂堂上破山先師用酬法乳之恩伏願指衣裏珠生
生痛棒如雨揭頂門眼世世熱喝如雷乃就座維那
白椎云法筵龍象衆當觀第一義師云萬頃茫茫接

五湖日高風細放舟徐絲綸百尺拋香餌欲釣驚人
浪裏魚以拂子作釣勢云若向這裏吞吐得一任擎
頭戴角一任攫霧拏雲有麼有麼僧問透網金鱗不
吞鈎線如何釣得師云還遭點頰也無進云風雲同
際會不怕龍門高師橫按拄杖云試踔跳看僧喝一
喝舞坐具使出師云龍門雖未過踔跳勢頗強問法
幢高豎宗風大振還有佛法相傳也無師云高聲問
來進云椎鐘擊鼓徧告四方豈爲虛設師打一棒云
正要闍黎據實傳問達磨西來直指人心見性成佛
和尚今日將何示人師驀頭打云山僧又是恁麼進

云鶴穴從今闢荆南第一基師卓拄杖云直須步步踏著問金鷄一唱磚鏡分明今可重拈出也無師便以拄杖畫一圓相進云驪龍領下珠光輝滿大地師云照破閻黎面門問選佛場開卽不問海印發光意若何師云大地分明絕纖塵進云恩大難酬師打一棒僧喝一喝歸位師亦喝一喝乃云格外明宗風吼山川益壯境中會意霜寒天地彌清攪長河爲酥酪過量恢張變大地作黃金破塵展拓有時將丈六金身作一莖艸用有時拈一莖艸作丈六金身用雖然如是建立門庭不無有此施設廣嗣者裏曲水平沙

波光蕩漾孤村鬧市樹影扶疎雖是一一現成要且不得作境會旣不作境會畢竟作麼生會乃豎拄杖喝一喝云萬象森羅非外物當陽印定渾無殊復舉寶壽開堂二聖推出一僧壽便打三聖云與麼爲人不惟瞎却者僧眼瞎卻鎮州一城人眼去在壽便歸方丈拈云二聖埋兵挑鬪驅得此僧赤身挨白刃寶壽鎗旗已展不可復收只得露些鋒鏖雖然各有謀略惜乎令行一半若是廣嗣棒折也不放伊在何故有意氣時添意氣不風流處也風流乃連卓拄杖連喝數喝維那白椎云諦觀法王法法王法如是下座

鄧信之王晉錫二居士成普賢大士相開光請上堂
驀呈拄杖云見麼普賢大士與文殊觀音卽今同在
山僧拄杖頭上放大光明出廣長舌爲鄧王二居士
說種種智慧種種解脫種種莊嚴種種行願中有一
句會歸不二法門且道是那一句卓拄杖云是法住
法位世間相常住喝一喝下座

朗之張居士請上堂一切水月一月所攝財法二施
等無差別今日張公同衆居士來菴中飯衆請山僧
爲衆說法有則因緣未免因齋慶讚箇箇令得飽餐
舉靈山女子入定話畢云此則公案若是擔板漢未

窺大全之旨處處滲漏卒討頭不着必須明眼宗匠
方能透頂透底我天童密雲師翁上堂舉此示衆云
有利無利不離行市放過一着落在第二師云據這
老漢說話祇要會得女子定便會得世尊說話便會
得罔明文殊二大士用處不肖兒孫向天上加尖堆
裏添土去也文殊是七佛之師爲甚出不得女子定
遇賤則貴罔明初地菩薩爲甚出得女子定遇貴則
賤還會麼行市雖同隨時改變拍禪牀下座
佛成道日文美楊居士請上堂僧問未離兜率已降
皇宮未出母胎度人已畢是已成佛耶是未成佛耶

師云兩處看分明進云因甚在雪山又覩明星悟道師云正要你檢點進云也要和尚相委師便打僧便喝師又打僧云真金若不重重煅焉得光華徹底鮮師云閒言語進云大衆證盟師云倚牆靠壁漢問當日明星現雪山卽今落在什麼處師打一棒云在什麼處進云謝師答話師云速領取僧喝一喝師又打僧禮拜乃云年年臘月八講讚嘆奇哉祇爲明星現瞎驢長禍胎大衆還知麼昨夜釋迦老子覷破天上一點明星天上明星照破釋迦老子面孔今日供佛飯僧楊居士已在覩明星時同成佛了也現前大衆

盡大地人總在覩明星時同成佛了也當年釋迦老子恁麼見得透走出雪山卽以這一點明星照定世間人面目觀法先後次第建立無邊行門談經二百餘會說法四十九年成一代時教正眼看來大似一翳在眼空花亂墜山僧恁麼批判還有爲釋迦老子出氣者麼如有卻與他同一鼻孔如無徒讓廣嗣舌頭咄且道諸人眼睛在什麼處以拄杖指云明星一點今猶在照破面門待幾時拍膝下座

省我馬居士請上堂僧問當門按劍魔佛齊揮頂顛具眼羣機洞照抹過上頭關人來和尚作麼生管帶

師云還我劍來僧震威一喝師打一棒進云舉頭天外無知己今日相逢始作家師云也是雪上加霜問若人識得心大地無寸土三世諸佛歷代祖師卽今在甚麼處安身師云在山僧拄杖頭上七縱八橫進云雲門扇子踔跳上三十三天築著帝釋鼻孔今日知他落處師云識取你的鼻孔進云處處綠楊堪繫馬家家有路透長安師打一棒云穿卻了也乃云馬居士數年念佛志欲見佛是伊未見若一見佛滿面羞慚昔有城東老母與佛同生一處一生不欲見佛或時遇佛卽以兩手掩面十指皆佛無處回避此居

士生不與佛同時亦不與佛同處徧欲見佛無處瞻仰不欲見佛的固是丈夫意氣急欲見佛的亦非流俗心情卻有一處可容著眼豎拂子云楊廣駱駝無覓處夜來足跡在松陰擲拂子下座

歲旦值雪鳳宇張居士請上堂問佛祖宗乘卽不問今朝覲面事如何師云滿眼滿耳進云盡是本地風光師云卻道得一半僧便喝師亦喝一喝乃云梅花雪裏初開次風物可人多韻致明教對機曾有言張公喫酒李公醉敢問大衆既是張公喫酒因甚李公卻醉衆中若有會得古人格外說話爲張檀越傍通

此事共知今日楚水巴山處處呈瑞風日煙雲同一
天地慶無不宜時節已至滿眼春光皆諳所自衆旣
吝慈山僧與伊打箇鄉談一賀新年一酬請意乃以
拄杖畫此○○操蜀音云一箇一箇又一箇復云
會麼元日相逢故里人杖頭新寫三巴字下座
解冬上堂以拄杖畫圓相云九十日來大家在者裏
跳金剛圈吞栗棘蓬雖然伎倆多般總是一場敗闕
其中羅籠不住呼喚不回的拂袖不顧若是聽人處
分廣嗣爲伊出隻手去也復以拄杖劃破圓相喝一
喝云獅子窟中獅子兒當陽放出任哮吼

小參

小參僧問佛未出世祖未西來者箇消息在什麼處
師云逼塞滿虛空進云作麼生構取師云築着磕着
乃云拈華微笑刺腦入膠盆斷臂安心泥裏洗土塊
更若棒喝交馳主賓互換言論往來開門破戶總是
無計較中成計較無途轍中成途轍不見道三世諸
佛法界衆生盡是摩訶般若光光未發時尚無佛無
衆生消息正當恁麼時如何委悉乃以拄杖畫此
云一把綠絲收不得和風搭在玉欄干
法顯趙居士生辰請小參師云父母非所親誰是最

撰述
通入前則金卷三
三
親者喝一喝云穿過髑髏時全身已露也大衆還識此人麼此人寒暑不能遷生死不能移能促一劫爲一日能延一日爲一劫改禾莖爲粟柄易短壽作長年不是神通妙用亦非法爾如然且道他憑箇什麼有如是作用若猶未委更聽一則爛葛藤昔龐居士道有男不婚有女不嫁大家團圓頭共說無生話今日法顯居士初度之辰入山飯僧舉家學道雖不能如古人行徑亦欲彷彿其家風也要說幾句無生話奈乎舌頭猶未拖地特借山僧拄杖子出口氣且道與他說箇什麼方是無生話驀拈拄杖打圓相云萬

點青山常不動一谿淥水古今流

小參師坐次僧作禮云請師親切便道師云堦前怪石點頭笑進云只道得一半師云汝道得麼進云雪上加霜師云有甚麼交涉乃云大方手眼不涉繚纖格外嶽猷本無窠臼舉一明三當下知歸眨上眉毛早已蹉過豈不見僧問香林如何是衲衣下事林云臘月火燒山拈云壁立萬仞不落情解橫身爲物超邁古今若於此中領略得出可以攪長河爲酥酪變大地作黃金若未徹頭瞬目白雲千萬里漫將機境話疎親

湘水呂將軍爲圓彩雜髮請小參披甲整戈口吞佛
祖拗弓折箭眼蓋乾坤拈卻炙脂帽子脫卻鶻鼻布
衫直下休歇將去可作一員無事道人今日是呂護
法設齋披剃者僧欲山僧舉揚第一義諦發明生灰
關頭山僧亦不如何若何只得與伊一刀兩段乃高
聲喝云出羣須是英靈漢敵勝還他獅子兒

爲發真禪人披剃小參金刀雜髮若爲論截斷世間
生灰根從此古今成榜樣心燈慧命續兒孫從上老
古錐向塵勞中開解脫門正欲人直下出三界之家
坐斷乾坤頓入無爲之地還會得麼乃拈起袈裟云

且向衣線下薦取喝一喝

小參入此門來莫存知解知解若存漆桶不快一朝
打破大好境界且道是什麼境界以拂子擊禪牀云
大地平沉虚空粉碎復舉安禪師破句讀楞嚴經因
緣師云者漢撈蜆摸蝦忽然撞過龍門是汝諸人還
曾恁麼一回也無若未恁麼莫將閒學解埋沒祖師
心喝一喝

師過牂牁郡桃源山房衆請小參師云滿城旗鼓畫
角刁斗犬吠驢鳴馬嘶象吼七縱八橫佛法大有何
待山僧更揚家醜雖然如是十字街頭鬧浩浩孤峰

撰述
通尺補遺卷之三
頂上峭巍巍總不涉二途清淨法身在什麼處卓拄杖云雨打梨華蛺蝶飛風吹柳絮毛毬毬

起七小參玄沙不度嶺保福不度河豈有一七二七之工趙州八十載長慶七蒲團又豈止一七二七之工看者一隊老古錐一等是神通妙用一等是田地穩密而今者裏不循舊轍特地建長期長期立短限猛力追尋拶到羅紋結角處萬緣寢息六牕幽閉根塵不偶疑悟相通且道猢猻伎倆盡時還有轉身處也無喝一喝云傲寒骨力勝霜雪贏得梅華獨早開浴佛小參舉世尊初生因緣拈云釋迦老子開闢封

疆雲門大師裁定乾坤雖然彼此汗馬功高爭奈至今于戈不息檢點將來總是一隊郎當漢敗闕不少山僧與麼告報衆中還有爲他雪屈者麼如無山僧只得自澆一杓惡水去也震撼喝一喝下座

遵義兵憲薛護法火葬萬骨請小參瘴雲淨盡日月重輝華雨飛颺乾坤生色大人境界大人作用今日薛大護法就宦海中高建法幢請山僧激揚箇事爲迷途津梁驀拈拄杖卓一卓云山僧適纔相席打令驚起依草附木精靈跳在拄杖頭上打箇筋斗共說兩句無生話去也試問諸人且道是那兩句聲喝一

撰述
通序通集卷之三
喝云百骸俱潰散一物鎮長靈復舉世尊因者婆善
別音響至一塚間乃敲一髑髏問曰此生何處者婆
曰此生人道又敲一髑髏問曰此生何處曰此生天
道又敲一髑髏問曰此生何處者婆罔知生處拈曰
世尊旁敲正打言中有響者婆隨邪逐惡不是知音
未免當頭蹉過爭似者裏一坑埋卻不惟出他古人
一頭地抑不使承虛接響之流鑽龜打瓦雖然如是
髑髏今日如山嶽畢竟生何處乃以拄杖打圓相云
烈火燄中同煅煉紅塵堆裏白蓮開
飽參

結制飽參明日結制有五則事雖是杜撰也要預先
議定第一則二時粥飯各人飽餐不可徒自忍饑第
二則經行處須看腳下不可平地喫交第三則禪牀
上坐直須惺惺不可開眼窺語第四則鐘板鳴時宜
將眼聽不可被聲塵牽引第五則卒然不能說因數
日安衆困倦今夜雖不說亦不待制期滿稍暇卽與
諸兄弟一齊說破珍重珍重

除夕飽參北禪分歲皮招官府勾追東村燒錢酒醉
鬼神迷亂雖然赤心爲人不知翻成分外何似柏子
者裏隨分隨時隨家豐儉燒幾片香喫幾杯茶與衆

撰述
蓮戶福照前金卷三
兄弟東話西話拈古頌古乃至禰性談笑亦復不知何者爲定何者爲亂何者爲靜何者爲鬧舉足下足皆是解脫道場一出入總成遊戲三昧所以道欲識佛性義當觀時節因緣時節若至其理自彰今夜年窮歲盡時節且道如何是自彰的理聾良久云挑燈坐久無寒氣知有春風入夜來

皁參師云結制半月矣汝等做工夫不可因循急須覓箇出身之路老僧數次落堂勉勵諄諄只要汝等在一機一境上發大疑情討箇分曉若只念死話頭有何益也上古原無看話頭之說皆是隨緣理會遇

境生疑在宋時大慧禪師教人看觸背關頭省悟者甚多近來影響之流不求真悟不起真疑一動一靜尙被聲色所牽不能自作主宰殊不知必要大死一回行不知行坐不知坐見盡情忘自有轉變處古人云不怕活不得只怕死不得果然絕後再甦佛也不奈汝何阿誰欺得汝若只聽人說黃檗禪師有云多與兒酥餅消與不消都不管他濟得甚麼事聽取一偈一句話頭可力參經行坐臥渾如憨忽然豆爆冷灰裏不用從頭說再三
皁參大凡學道人見諦不圓只爲識情未透皆是六

根六塵牽引之過患所以業識茫茫無本可據諸兄弟同在此處一七二七剋期取證晝夜精勤不是徒爲勞苦正要做到身心疲困如癡如憨眼不欲視耳不欲聽口不欲言意不欲思六根不行六塵不對如有氣的死人只是胸中一點疑情不散忽然打失眼睛則本有光明自然現前便不受他人舌頭瞞也如中邑獼猴六腮俱喚俱應譬喻分明未是極則不得仰山一拶何有中邑也而今道流不得到古人田地只爲獼猴不曾睡著耳諸兄弟且道獼猴睡著了又作麼生相見速道速道

除夕鮑參僧問一年挨到今日請和尚說歲除佛法師云爆竹一聲驚兩耳進云寸步不移如何得到新年去師云今夜亦非是舊年進云某甲不然師云你作麼生進云烏啼新歲景華發舊年春師云莫道有新舊好乃云古人學道行住坐臥將生死二字貼在額頭上晝三夜三如喪考妣不敢一時暫生放逸常恐臘月三十日到來手忙腳亂務在預前打折明白然後放下此先賢操履誠切如斯近來諸方都在此日放假恣意談笑猜枚舉令羯鼓催華歌詠辭曲種種喧譁靡所不至此箇風景在我蜀中本所未見聞

者亦稀山僧今夜未免隨鄉入俗與諸兄弟作箇放假的起倒乃拈起拂子左右亂揮踢身作舞高聲喝云縱橫踔跳弄獅子者箇漫同戲具看

夜話學道人須立大志旣以叅禪爲事當以徹悟爲主不可同流俗阿師隨緣混過或在人口角邊或在冊子上拾得一句兩句套頭語自瞞瞞人正是依他作解塞自悟門尋常也一般到明眼人前卻去不得非自悞一生耶不如乘色力强健猛著精彩踏實做一場未有入路者急須尋箇入路旣有入路者急須求箇進步你莫道無入路十字任縱橫你莫道無

進步一層深一層要先從一頭打徹不可兩頭三面七不成八不就反說佛法不靈亦不論參學早遲亦不分根器利鈍只要各人用心實落立志久長自有一番境界自有一段作用如香巖擊竹靈雲見桃華布毛酒樓之類皆是平日用力真切方纔一旦觸發諸兄弟亦當如古人恁麼一回就要看女子出定話亦何難哉只不可在出得出不得上用意識卜度要看世尊是何心行女子是何境界文殊是何神力罔明是何手眼——看明白方知他一夥用處老僧舉此亦是驗諸兄弟工夫所得何如一處有疑處處有

撰述
疑一處不疑處處不疑儻真到不疑之地自然羅籠不肯住呼喚不回頭雖然如是萬里無片雲青天猶好喫棒時寒勿勞久立

夜話師云夜坐喫茶因事說話乃考諸人見諦何如進步何如非虛設也山僧一向展轉多說縱說到驢年有何交涉必要諸人自己著力一番將古人未透關頭一一勘破方識得人好惡昔有座主就華嚴講請翠巖齋巖云我有一問座主若道得卽喫齋乃拈胡餅問云還具法身否座主云具法身巖云喫餅是喫法身也座主不能對今請大衆代古人轉一語看

若轉得一語相應便合受人天供養若轉不得終是受欺謾何故當機無力能吞吐一餅長教礙殺人考工勉參師云欲明大事須是鐵漢不顧危亡方能成辦汝等工夫做不上者無他蓋爲自己看得輕劣視從上先聖太高遠不敢望其項背便生怯弱志向未決口雖說爲生夙其實不曾把作一件事做甘自因循隨羣逐隊空過日子坐香時胡思亂想一上不上坐香時遂被境緣牽去說張說李論是論非較長較短及至問著時轉不得身吐不得氣不肯自疑卻要人說破可憐生如此見解叅到驢年也沒交涉胡不

撰述
看南嶽參六祖祖問何處來曰嵩嶽來祖曰什麼物
恁麼來曰說似一物卽不中祖曰只此不染汗諸佛
之所護念又臨濟在黃檗三年睦州首座教令問話
三度被打後到大愚處點破遂有當仁不讓之作如
今者裏也不管你問得話問不得話轉得語轉不得
語久參初學都不可坐在無事甲裏只要將一箇過
不得的關頭橫於胸中自恨自逼勿論遲速以徹爲
期生歿二字急切工夫自然得力昏散二魔無由而
侵誠能恁麼做去一朝打失眼睛佛也不奈你何又
有阿誰瞞得你時寒勿勞久立

龜參三八普說老婆心切五日一參看孔著楔重重
拈提種種施設無非發明各人已躬下事頭頭上徹
然而此事不是在你意識邊下度得的不是向人口
角上推尋得的所以道昭昭於心目之間而相不可
覩晃晃於色塵之內而理不可分者些不剝斷處直
須在日用尋常四威儀中著隻眼勘得破始有相應
分近來有等義學阿師說心說性說理說事只在古
人言句上倚陰博陽露布許多錦繡文章將謂是他
過人處東印不敢教壞人家男女凡有來者一味痛
與棒熱與喝直下令入無回避處何故如此任大也

須從地起更高爭奈有天何

勉參學道先須有悟由猶如爭鬪快龍舟雖然舊閣
開田地一度贏來方始休邇來學道人甚多不得一
度贏者不信有悟由故也後保壽在前保壽作街坊
令看父母未生前本來面目久不省一日街頭遇有
二人厮打傍有一人急勸云你得恁麼無面目壽遂
大悟歸白前保壽遂爲印可茶陵郁山主遇廬山化
士說箇噁字疑之既久後騎驢過橋喫擷噁一聲便
曰我有明珠一顆久被諸塵封鎖今朝塵淨光生照
見山河萬象如酒樓聞艷詞靈雲見桃華香巖擊竹

皆是日嘗用心到激切處忽然觸發此古人悟入之
由也汝等晝三夜三一期將畢室中每每勘驗罕有
愜其意者究其根源只爲此事無形段無理路雖看
古人言句真疑不起於是恍恍惚惚左不得右不得
進不得退不得未幾便打退鼓自悞一生殊不知正
是好時節往往蹉過了若不換步移身念茲在茲不
怕甕中歪卻甕

除夜勉參師云年窮歲盡時佛法天然有海底金烏
飛雲間玉兔走風光舊與新夜夜鷄鳴丑公案既現
成道時唯信口且信口一句作麼生道以手畫一畫

云大盡三十日小盡二十九

示衆

雙桂破山老和尚送法衣至師上堂拈起示衆云賣
破沙盆已十年每將家醜露人前鏡中照影通身現
錦上鋪華滿座妍龍布雲時旋得水驥追風裏忽加
鞭遙從庾嶺拈來授痛爲兒孫啓正傳

門人性容發海真祐同刊第二卷

玉泉道人張國賢識



蓮月禪師語錄卷第三

